

I A M A I C A, quam nunc S. Jacobi Insulam nuncupant, ad Orientem Hispaniolæ. xxv ab ea Leucarum in-
tervallo discreta, xvi gradibus ab Æquinoctiali limite distat. Ad Septentrionem Cubæ vicina est. Qua Me-
ridies S. Bernardi Insulas, & Carthagenam respicit: qua Occidens Iucatanas Terras seu Fonduram. Ambi-
tusejus 100 miliarum. Regio grata Aeris salubritate & temperie gaudet: atque ita fertilis est, ut soli foe-
cunditate cum quavis alia cettare possit. Habet Auri Metalla: Saccari & Gossypii magnum præventum. Nec
non Animalium diversorum copiam. Frequens olim cultoribus erat, nunc Incolis aut ferro aut mortalitate
absumentis, rarius culta, duabus tantum Civitatibus habitatur: quarum primaria *Sevilla* five *Hispalis*, in qua Ec-
clesia principalis cum Abbatia, ubi Primatum gessit *Petrus Martyr* Anglerius Mediolanensis, Vir in tractan-
dis rebus Indicis diligens. Altera *Oristan*. Fluvii hic multi & Lacus piscosi. Gens Lege, Ritu, Moribusq; in nul-
lo ab Hispaniolensibus Cubensibusque discrepat, tantum ferociores fuisse memorantur.

Insula.
Situs.
Cœli temperies.
Soli fertilitas.
Animalium va-
rietas.
Urbes
Flumina.
Lacus.
Mores.

Insula S. Ioannis.

I N S U L A S. *Joannis*, vulgo a Portu divite cognominata, prius *Borichena* vel *Borica* dicta, habet ab Ortu In-
sulam S. Crucis, Insulasque exiguas plures. Ab Occidente & Borea Inf. S. Dominici: a Meridie Promon-
torium Paræ, a quo cxxxvi miliar. abest. Insula in longitudine porrigitur ad 1 pene mill. in latum patet
xii aut xvii: maxima latitudo xviii pene mill. Germanica complectitur, Affluit Frugibus, Fructibus, *Soli fertilitas.*
Animalibus, ac Auro. Dividitur autem hæc Insula in duas partes, nempe Borealem & Australem. Borealis qui-
dem Auro abundat plurimo: Australis Frugum, Fructuum, Aviumque feracissima. Est nunc in ea urbs præcipua
S. *Joannis* optimo gaudens Portu. Fluvii hic sunt aliquot, inter quos *Cairaborus* fluviorum maximus, ad Septen-
trionem decurrit, cumque omnes aureis glareis arenisque fluant. Septentrionale tamen latus, uti supra quoque
a nobis dictum est, generosioribus Fodinis commedatur. Meridiana pars portuosior, frugibusque beatior,
Maizium cæteraque necessaria vitæ producit.

Insula.
Nomina.
Situs.
Soli fertilitas.
Urbs S. Joannis.
Flumina.

Margarita.

M A R G A R I T Æ Insula vel *Margaritarum*, alio nomine *Cubagua* dicitur, x millia in circuitu patet, de-
cem gradibus & dimidio ab Æquinoctiali linea distans: omni sui parte plana, sterilis: nuda arbori-
bus, aquæ expers. Itaque tanta plerumque humoris inopia est, quum propter contrarios ventos ni-
hil è Cumana subvehatur, ut sæpenumero cadus Vini pari Aquæ cado permutetur. Cuniculis, Sale &
Piscibus abundat. Imprimis vero Unionum copia nobilis est. Incolæ colore fusco sunt, raro capillitio, & velut
imberbes, feri, crudeles. Vescuntur Ostreis è quibus Margaritæ sumuntur.

O o o o iij

Sequitur